

Saksprotokoll i utval for miljø og samferdsel - 07.02.2018

Geir Angetveit (V) sette på vegner av V, H, Frp, MDG, KrF, Sp og A fram slikt forslag:

«Temaplanen vert sendt på høyring.»

Geir Angetveit (V) sette på vegner av V fram slikt oversendingsforslag til fylkesrådmannen:

«Temaplanen må kommentera

- Utfordringa med monokultur og artsmangfald.
- Dyr skal haldast i miljø som gir god livskvalitet, og funksjonsfriske dyr skal vere ein føresetnad for all vekst i dyrehold i fylket. Dyr har ein eigenverdi, og handtering av dyr skal skje med omsorg og respekt for dyra sin eigenart.
- Det må kommenterast korleis ein kan integrera produksjon av fornybar fôrproduksjon til havs saman med landbruket.
- Nortura ønskjer auke i storfeproduksjonen nasjonalt i grovfôrområda. Med 2500 dyr per år.
 - Er det å flytta dagens produksjon over i andre område, eller samla auke i produksjonen? Korleis går indikasjonsmål om auken i kjøtproduksjonen overeins med klimamål om folkehelse mål om reduksjon av inntak av raudt kjøt?
- Innsatsmål for produksjon av grønsaker må også innarbeidast. Det vert kommentert i planen som eit potensial, men lite meir.
- Korleis stillar dyrevernorganisasjonar seg til ny teknologi som støthalsband på sau og andre utfordringar i planen.
- Klimamål i planen er utdatert, Noreg har sett mål om å bli klimanøytral innan 1. januar 2030, ikkje 2050.»

Røysting

Fylkesrådmannen sitt forslag fekk ingen røyster og fall.

Angeltveit sitt forslag vart samrøystes vedteke.

Angeltveit sitt oversendingsforslag vart samrøystes vedteke oversendt på vegner av forslagsstillaren utan realitetsbehandling.

Innstilling til fylkesutvalet

Temaplanen vert sendt på høyring.